



www.punb.com.my



PROSPER

**IMPACT
(PERNISMA)**

Lembaran Pernyataan

Sila baca Lembaran Pernyataan PROSPER IMPACT
(PERNISMA) sebelum anda ingin MEMOHON



1. APA ITU PROSPER IMPACT (PERNISMA)?

Pakej pembiayaan bagi memenuhi keperluan modal kerja untuk jualan/kontrak/projek perniagaan yang diperolehi daripada Tenaga Nasional Berhad (TNB) dan/atau anak syarikatnya.

2. SIAPA BOLEH MEMOHON?

- ☒ 100% milik Bumiputera
- ☒ Terbuka kepada syarikat berstatus Sendirian Berhad (Sdn Bhd)
- ☒ Telah berdaftar dengan Persatuan Rakan Niaga Strategik Malaysia (PERNISMA)
- ☒ Memiliki rekod kredit baik dengan semua institusi kewangan berkait
- ☒ Memiliki rekod kewangan diaudit bagi 2 tahun terkini
- ☒ Perniagaan dan kontrak kerja patuh syariah
- ☒ Memenuhi syarat dokumentasi pembiayaan semasa permohonan dan pengeluaran dana
- ☒ Kriteria lain yang diluluskan oleh PUNB*

**Tertakluk kepada terma & syarat*



3. APAKAH KONTRAK SYARIAH YANG DIGUNAKAN?

Kontrak Syariah yang diguna pakai adalah Tawarruq, di mana, berdasarkan Wa'd daripada pelanggan, PUNB akan membeli komoditi daripada pedagang komoditi dan seterusnya menjualnya kepada pelanggan pada harga jualan Murabahah (kos komoditi ditambah keuntungan) secara pembayaran tertangguh. Sebagai ejen pelanggan, PUNB kemudiannya akan menjual komoditi tersebut kepada pembeli pihak ketiga secara tunai. Wang tunai yang diperoleh daripada pembeli pihak ketiga akan dimasukkan ke dalam akaun khas yang ditetapkan untuk pelanggan. Pada masa ini komoditi yang digunakan adalah Minyak Sawit Mentah (CPO).

4. APA YANG SAYA AKAN DAPAT DARI PRODUK INI?

	Jumlah Pembiayaan	Sehingga RM5.0 juta
	Tempoh Pembiayaan	Sehingga 5 tahun
	Kadar Keuntungan	5% setahun pada kadar asas baki harian

5. APAKAH KEWAJIPAN SAYA?

Rujuk kepada jadual simulasi pembiayaan.

6. SKOP PEMBIAYAAN



Modal kerja maksimum sehingga 90% daripada setiap nilai kontrak/projek

7. APAKAH YURAN DAN CAJ YANG PERLU SAYA BAYAR?

Duti Setem

Menurut Akta Setem 1949.
Sila rujuk www.hasil.gov.my

Caj Pemprosesan

RM350 hingga RM1,000*
(bergantung kepada jumlah pembiayaan)

Yuran Dokumentasi

Dari RM350*
(bergantung kepada jumlah pembiayaan)

Yuran dan caj lain

Semua kos dan perbelanjaan lain seperti yuran guaman dan caj lain yang ditanggung dalam penyediaan semua penyempurnaan dokumentasi dan pemeliharaan dokumen keselamatan PUNB.

**Tertakluk kepada sebarang perubahan oleh PUNB*

8. BAGAIMANA JIKA SAYA GAGAL MENUNAIKAN TANGGUNGJAWAB SAYA?

Jika anda mengalami kesukaran untuk memenuhi ansuran bulanan anda, anda dinasihatkan untuk segera menghubungi PUNB melalui pegawai pemantau yang ditetapkan atau pusat khidmat pelanggan, supaya kami dapat membantu/memberikan cadangan secepat mungkin. Ini akan mengelakkan anda daripada mengalami kesukaran jika anda gagal memenuhi kewajipan anda.



9. BAGAIMANA JIKA SAYA MENYELESAIKAN PEMBIAYAAN SEPENUHNYA SEBELUM TEMPOH MATANG?

Anda perlu membayar jumlah baki tertunggak dan sebarang jumlah yang terhutang dan perlu dibayar kepada PUNB iaitu tunggakan ansuran, caj pembayaran lewat (jika ada). Tiada caj untuk penyelesaian awal.

PUNB boleh memberikan Ibra' atas budi bicara mutlaknyanya pada bila-bila masa dan mengikut mana-mana cara yang berkenaan. Ibra' boleh diberikan pada bahagian keuntungan yang belum diperolehi daripada Kemudahan dalam situasi berikut:

- a) Semasa penyelesaian awal sepenuhnya Kemudahan; dan/atau
- b) Semasa penggunaan sebahagian Kemudahan, pada jumlah yang tidak digunakan.



10. ADAKAH SAYA PERLUKAN PENJAMIN DAN CAGARAN?

Kami memerlukan jaminan peribadi untuk pembiayaan ini.

Kami juga mungkin memerlukan pembiayaan ini dijamin oleh jaminan pihak ketiga (yang diterima oleh PUNB) bergantung pada penilaian kredit.

11. ADAKAH SAYA MEMERLUKAN SEBARANG PERLINDUNGAN TAKAFUL?

Takaful Tempoh Tetap dan Takaful Premis Perniagaan hanya jika berkenaan.



12. BAGAIMANAKAH SAYA BOLEH MEMBAYAR BAYARAN BULANAN SAYA?

Untuk kemudahan anda, anda dinasihatkan untuk membayar bayaran bulanan anda melalui mana-mana cara berikut:

Bayar ke akaun bank CIMB PUNB menggunakan 14 digit nombor akaun pembayaran anda

JomPay dalam talian di Internet dan Perbankan Mudah Alih dengan akaun Semasa atau Simpanan anda

Bayar melalui skrin Pembayaran Bil

Cek dibayar kepada Perbadanan Usahawan Nasional Berhad

13. APAKAH DOKUMEN YANG DIPERLUKAN UNTUK MEMOHON PEMBIAYAAN?

- 1** Borang PDP1 dan PDP2 (Untuk memeriksa rekod kredit pemohon dan rakan kongsi).
- 2** Salinan terkini Kad Pengenalan pemohon dan rakan kongsi/dokumen yang setara.
- 3** Gambar terkini pemohon dan rakan kongsi berukuran pasport.
- 4** Carian SSM terkini (Tarikh dicetak pada carian SSM mestilah dalam tempoh 2 bulan dari tarikh penyerahan).
- 5** Laporan diaudit untuk 2 tahun terakhir mengikut tahun penyerahan (jika berkenaan).
- 6** Akaun pengurusan terkini - sekurang-kurangnya sehingga 2 bulan sebelum tarikh permohonan (jika berkenaan).
- 7** Penyata bank 12 bulan terkini (jika berkenaan).
- 8** Surat Pengesahan sebagai ahli PERNISMA.
- 9** Salinan Pesanan Pembelian/Perintah Kerja/Surat Kontrak/Surat Anugerah/ sebarang dokumen lain yang diterima oleh PUNB.
- 10** Maklumat Perniagaan*

**Templat boleh dimuat turun dari PUNB Online*

14. APA YANG PERLU SAYA LAKUKAN JIKA TERDAPAT PERUBAHAN PADA MAKLUMAT HUBUNGI SAYA?

Adalah penting untuk anda memaklumkan PUNB tentang sebarang perubahan dalam maklumat hubungi anda bagi memastikan semua surat-menyurat sampai kepada anda tepat pada masanya. Untuk kemas kini maklumat hubungi anda, boleh menghubungi Pegawai Pemantau anda atau hadir ke Pejabat Wilayah/Cawangan kami.

15. BAGAIMANA UNTUK MEMOHON PEMBIAYAAN INI?

Permohonan hendaklah diserahkan melalui PUNB Online di www.punb.com.my

Untuk pertanyaan lanjut, sila hubungi:

Pusat Khidmat Pelanggan: 1300 13 7862



P E N A F I A N

PENAFIAN:

Maklumat, terma, dan syarat dalam lembaran pernyataan produk ini adalah indikatif dan tidak mengikat PUNB. Terma dan syarat akhir ditetapkan dalam surat tawaran selepas penilaian kredit dan kelulusan akhir oleh PUNB.